

2018 第十屆「新聲台灣」合唱作曲比賽 歌詞

<斷想> 李敏勇

灰茫茫的空氣
因為下過雨
咱才會當看到遠方的虹

日頭落去了後
視野罩著一層黑幕
一切都會消失

彼款美麗的景象
繼續藏佇咱心內好麼
這會幫助咱經歷時間的灰暗

畢竟
虹是為著行过山谷
出現的橋

<這一工 咱來種樹仔> 李敏勇

每一個人
佇咱的土地
佇自己的心內
佇島嶼的每一個所在
咱來種樹仔

聽到人在叫在喊的聲
看到血在流的影
咱來種樹仔
不是為著恨
是為著愛

咱來種希望的樹栽
不是流出絕望的目屎
咱來種樹仔
不是為著紀念死
是要擁抱生

<有影的參無影的> 向陽

鏡內底的囡仔
是無影的
鏡外口的囡仔
是有影的

無影的囡仔店置鏡內底
有影的囡仔企置鏡外口

有影的囡仔就是我
無影的囡仔嘛是我

無影的我店置鏡內底
有影的我企置鏡外口

鏡內底的我
是無影的囡仔

鏡外口的我
是有影的囡仔

<吸石> 向陽

兩個兄弟
歸身軀 烏靡麼
想法對同的時陣
俾得密密密
意見若昧合
兩個就相踢